



## ZAPISNIK

Sa 7. (sedme) sjednice Upravnog odbora JU "Kantonalnog Zavoda za zaštitu kulturno-historijskog i prirodnog naslijeđa Sarajevo", održane elektronskim putem u ponedjeljak, 31.1.2022.godine u 10:00 h.

Sjednici su prisustvovali: Azra Koldžo, predsjednica Upravnog odbora, članice Upravnog odbora Elša Turkušić-Jurić, Maida Šahinagić, Mirsada Škrijelj i Selma Karačević-Kapić, te Boris Trapara, direktor Zavoda.

Sjednicu je otvorila Azra Koldžo, predsjednica Upravnog odbora, upućujući poziv i upute za glasanje putem elektronske pošte po tačkama dnevnog reda, uz obrazloženje da se 5. tačka dnevnog reda: Donošenje novog Pravilnika o radu JU „Kantonalni zavod za zaštitu kulturno-historijskog i prirodnog naslijeđa Sarajevo“ povlači zbog tehničkih razloga. Korigirani dnevni red je jednoglasno usvojen.

## DNEVNI RED

1. Usvajanje zapisnika sa 6. (šeste) sjednice Upravnog odbora JU „Kantonalni zavod za zaštitu kulturno-historijskog i prirodnog naslijeđa Sarajevo“,
2. Odgovor na akt Ureda za borbu protiv korupcije i upravljanje kvalitetom Kantona Sarajevo,
3. Odgovor na zahtjev za prisustvo člana sindikalne organizacije Zavoda na sjednicama Upravnog odbora,
4. Inicijativa za dopunu djelatnosti Zavoda (71.11 Arhitektonske djelatnosti, 71.12 Inženjerske djelatnosti i s njima povezano tehničko savjetovanje ),

AD – 1 Zapisnik sa 6. (šeste) sjednice održane 28.12.2021. godine je jednoglasno usvojen.

AD – 2 Upravni odbor JU "Kantonalni zavod za zaštitu kulturno-historijskog i prirodnog naslijeđa Sarajevo" zaprimio je akt broj 20-04-18-2392/21 od 13.12.2021. godine, koji se odnosi na anonimnu prijavu o navodnim nepravilnostima u vezi izbora i imenovanja aktuelnog direktora Borisa Trapara u kontekstu ispunjavanja propisanih uslova u pogledu radnog iskustva. Upravni odbor je izvršio uvid u dokumentaciju koju je Boris Trapara priložio prilikom prijave na javni konkurs za poziciju direktora JU "Kantonalni zavod za zaštitu kulturno-historijskog i prirodnog naslijeđa Sarajevo" i utvrdio kako je imenovani kao dokaz radnog iskustva dostavio dokumentaciju koja dokazuje radno iskustvo u trajanju više od pet godina u oblasti usko vezanoj za djelatnost Ustanove (zaštita, konzervacija, prezentacija i rehabilitacija kulturno-historijskih dobara, te zaštita, očuvanje i unaprijeđenje prirodnih dobara), odnosno kako su navodi iz prijave neutemeljeni i netačni. Upravni odbor jednoglasno donosi ZAKLJUČAK o prihvatanju teksta "Informacije o izvršenoj provjeri", te se nalaže dostavljanje iste Uredu za borbu protiv korupcije i upravljanje kvalitetom Kantona Sarajevo.

AD-3 Upravni odbor je zaprimio zahtjev za stalnim prisustvom jednog člana Sindikalne organizacije Zavoda sjednicama Upravnog odbora JU "Kantonalni zavod za zaštitu kulturno-historijskog i prirodnog naslijeđa Sarajevo". Članom 15. Stav (4) Poslovnika o radu Upravnog odbora JU Kantonalni zavod za zaštitu kulturno-historijskog i prirodnog naslijeđa Sarajevo, utvrđeno je da sjednici prisustvuje predstavnik Sindikalne organizacije Zavoda ukoliko Upravni odbor to smatra potrebnim. Cijeneći odnosnu odredbu, ali i trenutnu epidemiološku situaciju, usaglašeno je stajalište Upravnog odbora da stalno prisustvo predstavnika Sindikalne organizacije sjednicama Upravnog odbora nije potrebno niti svrsishodno, te da će isti dobiti poziv na sjednice Upravnog odbora na kojima se budu razmatrala pitanja iz njegove nadležnosti.

Upravni odbor jednoglasno donosi ZAKLJUČAK o prihvatanju odgovora Sindikatu srednjeg i visokog obrazovanja, odgoja, nauke i kulture BiH – Sindikalna organizacija JU Kantonalni zavod za zaštitu kulturno-historijskog i prirodnog naslijeđa Sarajevo, te se nalaže da se isti dostavi podnosiocu zahtjeva.





**KANTONALNI ZAVOD ZA ZAŠTITU  
KULTURNO-HISTORIJSKOG I PRIRODNOG NASLIJEĐA  
SARAJEVO**

INSTITUTE FOR THE PROTECTION OF CULTURAL-HISTORICAL  
AND NATURAL HERITAGE OF CANTON SARAJEVO

AD – 4 Odlukom o preuzimanju prava osnivača JU "Kantonalni zavod za zaštitu kulturno-historijskog i prirodnog naslijeđa Sarajevo"; ("Sl. novine KS, br. 3/99, 31/07 i 1/13) i Pravilima JU "Kantonalni zavod za zaštitu kulturno-historijskog i prirodnog naslijeđa Sarajevo", (br. 197/13 od 24.01.2013. godine, br. UO-933-2/15 od 17.09.2015. godine i broj 11560-5/21 od 27.12.2021. godine) utvrđene su sljedeće djelatnosti Zavoda:

91.01 Djelatnost biblioteka i arhiva

91.02 Djelatnost muzeja

91.03 Rad historijskih mjesta i građevina te sličnih znamenitosti za posjetioce

91.04 Djelatnost botaničkih i zooloških vrtova i prirodnih rezervata

41.20 Gradnja stambenih i nestambenih zgrada.

Direktor Zavoda ukazao je Upravnom odboru na neophodnost da se, u cilju nesmetanog rada i obavljanja poslova iz nadležnosti Zavoda, djelatnost Zavoda proširi dodavanjem "71.11 Arhitektonske djelatnosti" i "71.12 Inženjerske djelatnosti i s njima povezano tehničko savjetovanje". Riječ je o klasifikacijama koje obuhvataju arhitektonske savjetodavne djelatnosti: izradu nacrtu (projektiranje) zgrada i urbanističko i prostorno planiranje i projektiranje zelenih površina, odnosno tehničko projektiranje (tj. primjenu zakona fizike i načela inženjerstva kod projektiranja mašina, materijala, instrumenata, struktura, procesa i sistema), kao i savjetodavne djelatnosti za: projekte razvoja i izrade mašina, industrijskih procesa i postrojenja; projekte iz područja niskogradnje, hidrogradnje, saobraćaja; projekte iz područja vodoprivrede; izradu, izvođenje i nadzor projekata iz područja energetike, elektrike i elektronike, rudarstva, hemije, mašinstva, industrije, sistem-inženjeringa i sigurnosnog inženjeringa; izradu projekata klimatizacije, hlađenja, projekata za sanitarnu kontrolu i kontrolu onečišćenja, te projekata akustičnosti itd.; geofizička, geološka i seizmička istraživanja i geodetske istraživačke djelatnosti: premjeravanje zemljišta i granica, hidrološka mjerenja, istraživanje podzemnih površina, kartografsko i prostorno snimanje.

Naime, činjenica da arhitektonske i inženjerske djelatnosti nisu utvrđene djelatnost Zavoda, predstavljalo je u više navrata problem prilikom realizacije projekata na kojima je Zavod bio angažovan, naročito cijeneći odredbe člana 50. Uredbe o uređenju gradilišta, obaveznoj dokumentaciji na gradilištu i sudionicima u građenju "Službene novine Federacije BiH", broj 48/09).

Upravni odbor je usaglašenog mišljenja da je dopuna djelatnosti Zavoda kako je prethodno opisano nužna u cilju unapređenja njegovog rada, kao i da prethodno opisane klasifikacije čine logičku i komplementarnu cjelinu, kako međusobno, tako i sa djelatnostima Zavoda koje su već utvrđene Odlukom i Pravilima. Cijeneći navedeno, Upravni odbor predlaže Vladi Kantona Sarajevo da prihvati inicijativu za dopunu djelatnosti Zavoda, te istu proslijedi Skupštini na dalje nadležno postupanje.

Upravni odbor jednoglasno donosi ODLUKU o usvajanju Inicijative za donošenje odluke o proširenju djelatnosti JU Kantonalni zavod za zaštitu kulturno-historijskog i prirodnog naslijeđa Sarajevo, te se nalaže da se ista proslijedi Vladi Kantona Sarajevo (posredstvom Ministarstva kulture i sporta Kantona Sarajevo) na dalje nadležno postupanje.

Sjednica je zaključena u 20:15 h.

Zapisnik pripremila

Selma Karačević-Kapić

Predsjednica Upravnog odbora

Azra Koldžo

**DOSTAVITI:**

1. Ministarstvu kulture i sporta Kantona Sarajevo,
2. članovima Upravnog odbora 5x,
3. direktoru,
4. arhivi UO,
5. arhivi Zavoda.